

PLOANIES SAN MARTIN Y LUNGIARÜ

La data dla Crejima é gnüda metüda ai 27, d'aurí 2025; chi che ará complí por dailó 16 agn pó se scrí ite al curs de preparaziun. Jö apé de dlijia él da ciafé i formulars de iscriziun. Le formular scrit fora mëss gní dé jö personalmënter dal môt o dala môt a siur Klaus che sará te colonia da San Martin al 01 de jügn, dales 18.00 ales 19.00.

La NÖT LUNGIA DLES DLIJIES en vëndres, ai 2 de jügn, inviëia da ti dé nosta atenziun al tesur dles dlijies y en chësc ann ince dles capeles. La Nöt é daverta a incuntades y a confertes. Te Südtirol él 70 dlijies y capeles che tëgn les portes davertes; tla Val Badia a La Val: la capela d'Aiarëi, Ida Ciampëi, Ida Pidrô y d'Al Bagn da Rumestluns che tol pert a chësta Nöt. "La Nöt Lungia dles Dlijies chërda düc: Gnide y odede! Gnide y passede da porta ite! Gnide y tolede pert! Gnide y ves lascede scinché" inviëia le Vësko.

SAN MARTIN

I Stödafüch da San Martin lascia al savëi, che en sabeda, ai 3 de jügn, vëgnel organisé na gran proa cun deplü scenars te deplü posc dl paisc. La strada da Mirí gnará stlütta por val' ora danter Pradel y Sorega. Ala proa tolará pert düc i grups di Stödafüch dla Bassa Val Badia y deplü organizaziuns de Pröm Aiüt. I Ves periun da ne sté nia cun fistide o da se sperde sc'i rovëis pro val' scenar ch'i un arjigné cá o sc'i odëis n gröm de mesi de socurs en chël dé.

En dedolönesc, da bur' tëmp en dedemesaledema o en jöbia, vëgnel sié dales 17.00 inant la cortina; chi che á dlaurela é bel inviá da gní a daidé.

LUNGIARÜ

En mertesc, ai 30 de ma, vëgnel lavé la dlijia y an präia do tröpes mans. Nia ma ëres, mo ince ëi é periá da gni a dé na man. Plü porsones che al é y plü ortü ch' an á. N präibel y damperfora n dilan fort.

Ince por l'ann 2023 Ves periunse indó da paié ite le contribut por la cöra de 35 € por aduld, 10 € pur studënc y 5 € euro pur mituns dla elementara che pó gní paiá pro la Raika IBAN: IT 63 K 08010 58830 000304004931 o en domënia, ai 04.06 dô mëssa te colonia. Le decunt 2022 é gnü partí fora ales families adöm cun l'invit da paié le contribut . A inom dl consëi d'aministraziun dër bel dilan.

La Uniun dl Sport organisëia n curs de yoga cun Gabriel Prada por indöt 6 iadi tla palestra sö Antermëia. Al mët man en dedolönesc ai 06 de jügn dales 18.45. Por informaziuns y prenotaziuns whatsapp/tel. 377 34 99 869

Döt le bun a chi che complësc i agn de jügn

S. Martin Erwin Penazzi che nen complësc 81 al 1
Lois Clara che nen complësc 88 ai 15
Herta Prousch Rungger che nen complësc 81 ai 17

Lungiarü Monica Clara Mischi che nen complësc 91 ai 13
Giovanni Mischi (Frëina) nen complësc 85 ai 30



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

28.04. - 04.06.23 n. 27

ultimo termo por comunicaziuns: jöbia, dales 20.00

PASCA DE MA

Vangele do san Jan 20, 19-23

La sëra dl pröm dé dl'edema, canche i discepui â, dala tëma dan dai iüdes, sarè pro les portes, él gnü Gejù, é jü amesa ëi ite y ti à dit: Pësc a os!

Do chëstes parores ti à mostrè sües mans y so costà.

Dailó se ralegrâ i discepui da odëi le Signur.

Gejù ti à ciamò n iade dit: Pësc a os!

Sciöche le Pere m' à menè mè, insciö ves mëni iö os.

Do ch'al à albü dit chësc,

ti à fladè ados y ti à dit:

Recioiede le Spirit Sant!

A chi che os ti lascëis do i picìa,

ti ési lascià do;

y a chi che os ne ti i lascëis nia do,

ne ti ési nia lascià do.



Al é domënia, le De dl Signur, canche i discepui s'â abiné, mo ai se temò.

Chësc ne passenëia nia adöm: le Signur y la tëma.

Tan bel, che le Signur sá chësc y ch'al vëgn amesa ëi ite.

Al sá ch'ai adora dantadöt la pesc.

Tla Mëssa n'é porchël le salut dla pesc nia ma n bel sëgn, mo propi na dërta aziun de Gejù, deache Gejù nes l'á fata dant.

L'audanza "Pesc sides cun os" ti stò a Gejù tan a cör ch'al la dij y la confermëia ciamó n iade.

Por ester tla pesc cun se instësc y cun i atri él debojëgn dla pordenanza ch'i podun dé y ch'i podun ciafé.

Pesc n'é nia ma na parora.

Pesc é parores y operes. (Te Deum)

EDEMA - ANN "A"	SAN MARTIN	LUNGIARÛ	
28.05.23 PASCA DE MA	9.00 Corona de ma 9.30 Liturgia dla Parora 19.30 Corona de ma sö Ju	7.50 Corona de ma 8.15 Mëssa solëna por i nüc Mirco y Melanie aniv. + Rudolf Moling + Roslinda Deiaco en onur di Agnui Custodi 15.00 Corona de ma tla capela de S. Ojöp Fr.	<i>Flada te me, Spirit Sant, y entusiasmëia mia orenté. Alegrëia le cör te me, Spirit Sant, y santifichëia mi sentimënc. Lomina te me, Spirit Sant, y santifichëia mi pinsiers. Pënza te me, Spirit Sant, y santifichëia mies opres. Operëia te me, Spirit Sant, y santifichëia mia vita. Passa fora por me, Spirit Sant, y fáme crësce. Condújeme, Spirit Sant, y fáme porté früc. Impëia te me, Spirit Sant, le füch de to amur.</i>
29.05.23 LÖNESC DE PASCA DE MA <i>Maria, Uma dla Dlijia</i>	9.00 Devoziun al Spirit Sant 9.30 Mëssa solëna por la comunité + Sepl Verginer de Lipo (dl ann) + Walter Pitscheider, Dala/Hall + Ida Dariz 19.30 Corona de ma sö Ju	<i>degöna mëssa</i>	
30.05.23 Dedolönesc <i>Otto Neururer, Ferdinand</i>	19.00 Mëssa + Erwin Rungger vis y def. fam. Erlacher, Cheder		
31.05.23 <i>Petra, Matilda, Aldo</i> Dedemesaledema		7.30 Devoziun de ma	
01.06.23 <i>Iustin, Scimun, Flor</i> Jöbia			
02.06.23 Pröm vëndres <i>Armin, Marzelin</i>	18.30 Adoraziun chîta 19.00 Adoraziun deboriada	7.00 Adoraziun 7.30 Mëssa de rengraziamënt + + Emma y Serafin Clara + + vis y defunc de Camura dl ann + Iaco Mischi	
03.06.23 Sabeda <i>Karl Lwanga y compagns, Oliva</i>	18.30 Mëssa prefestia + suor Paula Fontanella + Teresa Pedevilla Flöss		
04.06.23 Festa dla SS. Trinité <i>Domënia diozejana</i> <i>dles families</i>	9.00 Corona 9.30 Gran Mëssa dla comunité por y cun les families + + Siur Bertrand y Paula Vollmann <i>al cianta le cor dles mitans y mituns</i>	7.50 Corona 8.15 Liturgia dla Parora 15.00 Corona de ma tla capela de S. Ojöp Fr.	



Benedisciun:

*Spirit Sant,
dái vita ales scincundes y facultés
che Idî nes á senté ite te nosta vita.
Fá che nüsc proponimënc
y nosc laur portes früc
por la Dlijia y por le monn.
Condúj adöm y varësc pro
ci che é despartí y é ne se vëgn nia.
Unësc la jënt tl respet un por l'ater
y tla comuniun cun Chël Bel Dî.
Amen.*